



21204

III

Mag. St. Dr.

P

islaus

Episcopus

Kanon Andreae Rosa inter spinas Divi
Benedicti efflorescens.

PANEG. et VITAE

Polon. Fol.

Nr. 1069.

Biblioteka Jagiellońska



stdr0002116

R O S A
INTER SPINAS
DIVI BENEDICTI
EFFLORESCENS,

D V M

Illustriss: & Reuerendiss: Dñus

D. STANISLAUS
PSTROKONSKI

Dei & Apostolicæ Sedis gratiâ

EPISCOPVS CHELMENSIS,
ADMINISTRATOR ABBATIÆ TYNECENSIS, &c.

A primo suæ Abbatiae aditu

GOSTOMIANVM SOC: IESV COLLEGIVM
redux inuiferet,

BIBLIOTH. UNIV.



JAGELLONICAE

OFFICIOSE DECERPTA

Interq; Natalitiæ gratulationis missilia

EIDEM SVO REVERENDISSIMO

TRANSMISSA

Ab ANDREA KANON Societatis IESV,

Anno à florido partu Virginis

M. D. C. XL. VIII.

W.

C R A C O V I Æ,
In Officina Typographica Francisci Cæsarij, S. R. M. Typ. A. D. 1648.

*Surrexerat antè floribus immixta teneris SINE SPINIS
ROSA, & pulcherrimus flos sine ullâ fraude vernabat.
Postea spina sepsit gratiam flori tanquam speculum præferens
vitæ. S. Ambrosius Hexam. L. 3. c. 11.*



ALBA ROSA IN CAMPO RVBEO.

Cur ROSA PSTROKONII purâ niue purior albet?
Concolor est domini moribus iste nitor.
Sed rubet hostili campus de clade! ROSETA
PSTROKONIDVM, Marti, constet vt, esse sacra.

21. 204 III





ILLVSTRISS: & REVERENDISS: DÑO

D. STANISLAO

PSTROKONSKI

EPISCOPO CHEŁMENSIS,

Administratori Abbatiae Tynecensis, &c.

Author Felicitatem.

DE Rosis coram Rosino perparcè locutus floridum
Tuo nomini argumentum inscripsi, Illustriss: Antistes.
Quid enim amplius reponerem Pontificiae Saluti
Tuae, quam mihi nuper exeunte anno impertitus mi-
sisti? non sterilem, quia excepta animo non tam in
verba, quam in benè precantis omina germinavit. Inter Missilia
Xeniorum an mitti potuit Celsitudini Tuae quidquam carius ROSA
AVREA? plenius PLENA? purius CANDIDA? securius
INERMI? ornatius CORONATA? Nisi quòd ad Ianuarij
Kalendas eam tinxerim IESV purpurâ, quò, salutarem alioqui,
præterea medicarer VERBI vulnere. Propè inter Natales
Dei cunas enascitur flos florum, ut cum feni stipula in manum sese
Diuinam ingereret. At sunt, qui in Tua ROSA primum illud mi-
rentur, quod cum natiuis careat acuminibus, tamen acuat oratorum
calamos; nec propterea immisâ falce grassatus sum in Rosario, quòd
solutum spinis tutò carpi potuerit. Leguntur summâ manu non me-
tuntur hæ ROSÆ, quarum folijs induxi vel Tua vel Tuorum fa-

Et. Liberalius, fateor, præ alijs MATHIÆ PSTROKO-
NIO inhæsi, in quo feliciorẽ Tuæ indolis imaginem cernebam.
Sacras ciuilibus Rosis permiscui, ne sic quidem amissuras pretij & di-
gnitatis ordinem. Opus haud erat secernentis delectu, ubi omnia
utrinq; discolori elegantiâ ad ornatum Patriæ concurrerent. O te,
Polonia, hospitalem ex eo potissimum: quod in PORAVIANÆ
ROSÆ corona sedem feceris: rata futurum è re imperij, si Re-
galia Heroum insignia tuo in regno florerent. Agnouisti expositum
in media calamitate Cyrum. Et verò non agnosceres, alti sanguinis
propaginem è flore, candorem ex vultu, veterem Regum fortunam
ex insignibus? Nullum illo maius à Bohemis pignus accepimus
fouere nescientibus Rosam, foris profecturam melius quàm domi.
Vtinam & ego istud Gratiarum opus non exasperem tractatione sub-
horridâ. Sentiantur facilius Rosæ, quàm laudantur pro merito.
Tuæ verò, Præsul Illustrissime, vernant pulchrius in memoria Reip:
quàm in Poëtarum ingenijs. Scilicet multum hinc Musis & Apollini
liceret? in quas vix Marti & Bellonæ aliquid licuit impune. Ita
porrò earum candorem tractauimus, ne extorto pudore lederemus ve-
recundiam. Nesciunt mansuetiores literæ quenkum pun gere, quod
ipsum inermi & candidâ BYZENIORVM didicere à ROSA.
Si quid tamen è florum Principe, styli audaciâ detritum est, consultâ
Pier. Indorum Sapientiâ Rosas obijciam ROSÆ Dominum placaturus.
L. 55.

Illustrissimæ Celsitudinis Tuæ

ære obstrictus

Andreas Kanon
Soc: IESV



PANEGYRICVS.

Rosas humano sanguine propagatas, non omnino iam fuerit fabulosum, Illustrissime & Reuerendissime Antistes, cum BVZENIAM PSTROKONII ROSAM cernimus, vel natam Diuorum sanguine, vel renatam. Etsi enim natali in solo ut candidius eniteret, trium concursu fluminum lustrata sit; multo tamen generosius effloruit imbuta sanguine ADALBERTI. Nimirum venustatis & gratiarum Compendium tam cari Capitis impendio constare oportebat. Nemo idcirco iustius Rosas loquitur, quam qui Tuas; nemo tractat securius quam Tuas. Nam nec taceri æquum est vocalissimo cruore educatas; neque timeri, consumptis in coronam aculeis iam inermes. Quod si ingrata de Rosis Oratio vix accidit; si suam nullis in manibus amittunt fragrantiam, quid adhuc dubitarem hoc candore pertrahi, odore sustentari, arcanâ impelli potestate? Adeo non in oculos tantum, sed in animos quoque blandum exercet imperium Tua Rosa! ut orbi palam fiat, eam aliquando in Henrico Romanorum Imperatore imperasse, regnauisse in Otthone Magno, tenuisse in Vrsino principe principatum. Est videlicet aliquid ortum ducere ab Optimis Maximisque. Nisi quod
B peculiare

peculiare sit ROSINORVM ROSÆ, maiestati amæ-
nitatem, candorem purpuræ præhabere. Natiua hæc
elegantia, nullum in se adscititijs coloribus locum fe-
cit. fucum & cerussam non admisit, ne non suis & suo-
rum laboribus coronata regnum pulchritudinis affe-
ctaret. Quid autem extraneæ opis egeret lenocinio?
nata ornare cæteros non ornari. Misera florum con-
ditio est, vbi, quod in æstimationem veniat, præter
lata folia & colorem, vix reperias. Ita quidlibet ab
animo referunt ad illecebram oculorum. quasi id-
circo magnificæ viriditatis aspectabilem pompam in-
struant, vt extemporali ostentatione ambitiosius
cum tempore deflorescant excussâ foliorum luxurie
inutiles & ingrati. Nihil in Tuum, Illustrissime Do-
mine, florem licuit fatorum licentiæ. Tamen enim ple-
nè exegit annos, vt annales impleuerit: tam integrè,
vt nihil de illius integritate sæcula delibauerint. De-
libarent autem? ac si instar sacrilegij non foret Ro-
sam carpere consecratam in Martyribus, inaugura-
tam in Gaudentio, in Heròibus immortalem, in Re-
gibus adoratam. Fecerint Romani celeberrima Ro-
sarum genera: Tibi nec placere poterat Campana,
quia præcox; nec Milesia, quippè sera; neq; Græcu-
la, quia nascenti semper similis, nisi manu coacta non
dehiscit: Tuæ similior est, quæ nouissimè desinit
Prenestina. Nam Alabanica, Trachinia, vel si quæ
minorum gentium rosæ emicant, in P S T R O K O-
NIANÆ comparisonem se non addent; quòd cum
naturæ cursui præcurrant insolenter, ocyssimè sed
non optimè adolescunt. Cucurbitarum ea est ambi-
tio, leuissimè inflari vt celerrimè derumescant. At
Rosis Buzenij paulatim rubescentibus, & suâ ipsarum
indole

indole coronatis quanta laudum parsimonia, quantum gloriæ temperamentum contigit! Non illæ præuertunt tempora, ne iniuriâ temporum euertantur. Præcellunt ortu Lilijs, quia & conditionis eminentiâ; quatenus non sola corporis proceritas aut inflexa maturitas, pratorum principes ostendat. Rectè, dum vernare incipiunt Lilia, hæ autumnant; ut quàm priùs nascendo lucem hauriunt, eandem citiùs humano generi indulgeant, utilitate iuxta & dignitate superiores Lilieto. Debemus hanc P O R A V I O gratiam, quòd germinaturas quia germanas A D A L B E R T O Rosas Poloniae intulerit, illatas plantauerit, plantatas deniq; utiliùs dentatâ Cadmi segete propagarit. Hinc diffusi per tot stirpes rami: hinc noui surgentesq; fætus; hinc assertæ confertæque familiæ, hinc adoptiui latè furculi, in Roseas famæ & generis prouenêre colonias. Natæ stirpes è stirpibus, honoribus aucti honores, interq; illustria Natalium confinia educata felicitas felicitati respondit, fascēs fascibus occurrêre. Iam patritias, iam equestres, iam Senatorias, paci & bello vtilēs rosas cernimus, in togâ candidas, in fago rubentes, in folio non tumidas, nec in purpurâ delicatas. O præclarum, quia sine alienâ diminutione incrementum! nec propterea tamen arrogans, aut nouum. Magno etenim Sanguini magna propagatio debebatur. Fas non erat A D A L B E R T I sanguinem fuisse infecundum. At quàm mirifico partitionis ordine, partim in patriæ umbracula, partim in propugnacula multifariam distributæ & sepiunt rem Poloniae, & tuentur! quarum illæ armis, istæ aris impositæ, galeas & infulas impleuêre, ut rarò coniunctionis fœdere, mites inter & seueras animas

mediæ, hinc Palladi operam probarent, hinc Bello-
næ: quæ diffita studijs numina, solâ boni publici pro-
uidentia coniungi solent. Vidimus olim vidimus,
è pacatis Musarum classibus, ad classica digressas Ro-
sebergij & Rosini Rosas. Pulchra sanè lenitatis
cum seueritate congressio, de immortalitatis priuile-
gio. Hæc ita differenti mihi quàm aptè hîc te insi-
nuas fidelem in memoriam, ROSEORVM vernantif-
sime PORAVI, si tamen insinuatione opus habeas,
apud animos tot sæculis occupatos, apud aures ad tua
decora attentissimas. Tu, qui iure bellico, famæ pa-
trocinium ubique susceperis, ubique viceris, nusquam
(ô quæ ista moderatio!) triumphaueris; patiare hæc
saltem tuis in oculis poni, quæ tu idem in totiûs Polo-
niæ posuisti; eo fidei candore, qui Rosam deceret
gentilitiam, eâ integritate, quæ Diuûm sanguini con-
ueniret. Perfecisti enim uerò primus, ne immodera-
tiûs miraremur, Rosas vernare inter arma, durare in-
ter niues, proficere vltione, cùm Tu sanguineâ Tuor-
um è clade Tuam Cæsari sic probasti fortitudinem,
vt in te Ducis prudentiam, robur militis, aulici inge-
nium semper suspiceret. Sufficiat splendide fortibus
prospexisse castra, breuemq; militiam quasi transisse;
PORAVIO ad numerosam gloriam pauca stipendia
quæ sufficerent? in tantum bellicis innutrito alimen-
tis, vt præ illis omnem aliam voluptatem fastidiuerit
ita Martis palato obsecutus, vt frugalitatem poneret
in delicijs, famem inter opsonia numeraret. ratus im-
bellium esse, lautitias curare sub loricâ, merum galeis
propinare, belli orbitam orbe saltatorio confundere,
risu iras, Pæanem symphoniâ, cantu classica emol-
lire. Vocem Iulij Cæsaris accepimus: Milites suos
etiam

Plin.

Suetô.

etiam vnguentatos pugnare benè posse. Nimis hoc ille tumidè, & ex victoriæ genio insolenter : dignus qui minacibus oculis, indignante vultu, auersâ aure à PORAVIO audiatur; nihil vsquam agente, nil probante, quod à feueris belli vsibus & disciplinæ veteris præscripto discederet. Malebat absens absenti patriæ salutem è castris mittere, quàm festinatò emeritus manumitti! Ergo his moribus, hac eminenti firmitate, hâc in periculis præsentia, posteros in sui commendationem non exciret? hoc insuper nomine fortunatus, quòd sibi ad numerandas pro Republicâ cicatrices cum Otthone Boleslaus idem laudator contigerit, idem testis. Ecquid autem egisse tunc existimem Bohemorum inclementiam? quùm cæsis quinq; fratribus ADALBERTI, ferro & igni in reliquias PORAVIANÆ familiæ grassaretur; quàm vt ipsis è cineribus rosas proliceret à ferro & recisione pleniores. Age, si quando semel fiducia nostra gentis Rosæ ir-^{Plin.}rupit Viridarium, paucas hinc delibemus rosas; parùm anxij, quæ, aut quemadmodum sese ingerant, quouè ordine decerpantur. Par est honoris omnibus, & vna sanguinis amplitudo. Occurrerint primi Buzenij qui & Pstrokonij; inde Kurozwęcij, Micháłowscij, Izbienij, Gruszcini; excurram illicò, manum officijs, ceruicem obsequijs, genua ad venerationem positurus. Occurrerit memoriæ & oculis Kurozwęciæ plantationis ANDREAS ROSA? legam protinùs Virili inscriptam nomine, vel è Græcorum testimonio nomenclator. Colligam victricem in VINCENTIO KADŁVBKONE Rosam, eò altiore micantem fastigio, quò in se profundius descendentem. O solers Rosæ ingenium! nam quò se-
C curiùs

curiùs ad maturitatem accederet, intra septa Cisterciensis hortuli se recepit. Cracouiam commutauit Andreouia, maiestatem egestate, frequentiam solitudine. Neque sic tamen solus; quia literulas admisit in cubiculum, quæ è naufragio enatârint; sequuntur exulem, in mediâ captiuitate non captiuæ. Rectè Centifoliam Vincentij rosam dixerit, quisquis prima illius historiæ folia saltem attigit. In summo hîc positam datur tangere veritatem, vltro etiam non quærentibus occurrentem. Suspiciam in sublime elatas Regni principes & Primates Rosas, primo in subfello Castellanas, in Regni ærario Aureas, in exercitu Generales, in castris & arcibus Capitaneas, in territorijs & tentorijs conscriptas, in acie militares, gloriosas vbiq̃ue. Maçte hoc sanguine, hac & victoriâ, quam nomine præstitisti NICOLAE PORAVI, qui cum vetusto Regum Haliciensium præsidio feliciter præfideres, probaturus cælo campestrem Rosæ indolem, à mænibus in Campum Daciæ processisti. Verè victorem populorum Nicolai spiritum, quòd Martiali morte immortalitatem redemerit, nec in opinione hostium moriturus, nec in fastis. Cecidit vnà tecum Petrus Odrowazius; seu quòd virtus Heroum incomitata esse non soleret, seu quòd à tantæ fortitudinis propinquitate abstrahi morte ipsâ acerbius duceret. Quantus es, NICOLAE MICHALOWSCI Vir ab vtrâq̃; fortunâ illustrissime! Luculentius magnitudini Tuæ testimonium præ illo ne exspectes, quod à Marte primùm, ex acie optimum quemq̃; pignerante, deinde à VLADISLAO IAGELLONE, non sine suffragijs Ordinum retulisti: qui te, alterum videlicet bello Mithridatico Pompeium, incredibili
consen-

consensione electum voluere, ut Theutonicae expeditioni praeesse imperator; cum antehac primi roboris aetatem ROSEAM bellis Moschouiticis, Tartaricis, Bulgaricis attriuisse, ut omni saeculo agnoscere potuerint suam Romani praerogatiuam, in Romano utiq; ROSINO, eiusq; Minoribus agere natis fortia & ardua quaeq; pati. Non ego te PSTROKONIANÆ Principem familiae à tui communione sanguinis abstraxerim, IOANNES PSTROKONI. Vnum quippe est idemque virtutis officium. Est quod continuæ Tuorum faustitati, est quod prosapiae gratulæ, cui veterem fortunam cum priscae Nobilitatis insignibus transmisisti: Nouum à loci genio fortitus cognomentum, ut in auitæ hereditatis diuisione fieres non tam paterni nominis, quam virtutum heres. Accedere hoc solum ad auream ROSÆ sortem potuit, ut decoro belli puluere adpersa, non iam triplici fluminum interuentu, sed cruoris tinctam purpurâ, nepotibus traderes, vel gloriæ irritamentum, vel amoris. Crediderim ingemuisse tuo casu (quo Casimiri fortunam fulcisti) Matthiam Regem Pannoniæ, positâque hostilitate inuidisse veriùs Tuæ fortitudini, quam eidem ignouisse; certum (nî fallor) gentis Pstrokoniae Rosam Auream, Hungariæ, hoc est POMO AVREO, benè per omnia fuisse responsuram, si hoc ei per inuidiam factorum licuisset. Nec Patriæ saltem sua Cælestibus ingerenti vota concessum est pro te diutiùs timuisse, ut eò te dolentiùs lugeret amissum, quò acriùs missum in praelia meminisset: Quamquam etiamnum tuus, bellatorum cordatissime, in Pstrokonijs calet sanguis, olim cruentâ Vratislaviæ ex arenâ deriuatus, an expressus? Actum igitur te-

cum præclarè, cum patriâ perbeatè, ne totus in fatorum arbitria & potestatem abires. Nam æternam tuæ mentis formam, & capacem tot operum indolem in liberis, iure successionis, reliquisti; his retinentibus ex diuturno collectam operosè famæ & generis amplitudinem; illis nouo nisu gloriam vrgentibus, per itinera tibi & tui simillimis vřitata. Quotusquisque illorum, non iuris patritij cognitione sese contra vires rerum, ne euerteretur, muniuit? non pulcherri-
mis belli pacisq; muneribus domi ac militiæ perfun-
ctus est? planè vt nemo illorum exřtiterit, qui non ex honoribus genitus ad honores, medijs immortalis honoribus è scenâ discesserit honoratus. Computet iam Poraius latè Rosas in tot familiarum & decorũ Rosaria efflorescentes. Coronet agmen Roseum, propaginis Roseæ ter præstans, ter & felix Rosa ALBERTVS MECZYNSKI, nec sanguinis colore, nec specie virtutis ADALBERTO discolor: qui superřtite animo etři constiterit in portu, adhuc iactati in mare cineres naufragantur. Accepimus illustre ad spectaculum, domesticum ad imitationem, Polonum ad gloriam exemplum accepimus. Excessit vir acerri-
mus cæli ipsius quantitatem, spiritu non Dei minũs capace, quàm dolorum. Pullus Aquilæ, vel Iaponici solis iudicio, generosus, in fortunæ primũ suæ titulos inuolauit, ne ante de barbariâ quàm de consanguineis triumpharet. Quorsum enim trans æquora hostem foris quæreretur, intestino domi Annibale necdum fuso? Heu! crudele obsequium Iaponiæ, rigando præfocantis Rosam! Sed eò gratiũs rubescentem, quò eam largiũs cruentâ alluuione imbuit suus cruor. Verũ quid me attinet de Rosis regnatrice in domo
confitis,

confitis, perque tot plantaria diffitis, differere? quid
innumeras numerare? aut explicata Rosæ folia euol-
uere, quorum *sine nomine nullum, Decidit in terras*, quia vel Stat.
suo inscriptum sanguine, vel hostili. Nihil in patri-
tiji PORAVII Rosis non insigne & basilicum, nihil
in folijs non regale, nihil in stirpe non Romanum in-
uenies, nihil in vsu non salubre. A toto medicorum
Circo plauditur, vbi de terrarum succo principe liti-
gatur. Frustra Hippocrates & Galenus consulitur,
dum acerrimo sensuum iudicio res tenetur. An vl-
lum hinc defluxit folium, quod in salutem Reipubli-
cæ non influxerit? Proprijs id imputaret dispendijs
quod bono publico non impenderet. Olim iam as-
sueta in lucro censere gratias, beneficentiam ponere
in prouentu. Hoc enim uerò est, alienæ prouiden-
do felicitati, suam augere. Ego ita sentio: antè illam
se se regalibus Rosæ titulis abdicaturam, quàm benè
merendi consuetudine in naturam propè, vsu assi-
duo, transeunte. Veritatis illa vox fuit, non Sallu-
stij: regna & prouincias, eò usq; prosperum tenuisse
cursum, dum apud eas consilia valuerunt. Velut si
planius monuisset: consilij sanitate salutem Reipu-
blicæ contineri. Quem in locum posteaquam serâ
laudatione deductus sum, ita menti & stylo modera-
bor, Illustrissime Domine, vt tamen in defensione
meæ fidei sæpè mihi sint & promerita immortalis Pa-
trui Tui, & auctoritas appellanda. Non enim ita ex
mortalium Collegio abiit, vt è pectoribus quoque
Polonorum exierit. Vbi de eius agitur laudibus,
Themistocli non subscribimus, artem obliuionis eli-
genti. Malè huic litatur silentium, cui tam ore prom-
ptum erat, quàm calamo expeditum efficere, vt exte-

D

rarum

rarum quoque gentium sensa de sublimi Polonorum spiritu planè sublimia forent. Præterea parum commodè taciturnitate eum venerer, qui maturâ anticipatione, omnium ætatum linguas, ne taceretur, occupauit; cùm antea hominum animos ad sui venerationem inclinâisset. Ipsa me profectò Curia accersitum de incuriâ coargueret, si in tam accuratum iuris ac legum vindicem iniurius voci publicæ priuatam negarem: quando veritati id negaretur, quod Rosæ, auctoritate & senio Senatoriæ, non concederem. Non ille ab vniuersis Ordinibus exigat suæ præconia excellentiæ? qui, quò nemini deesset, ingenitam sibi Suadam, communem omnibus fecerat. Vertat aliò stylum vates: *Stemmata quid profint* hîc ne quærat. Non est profectò otiosa floridi generis nobilitas quæsitamulto sanguine, reperta multo. Patent oculis, patent animis Rosæ commoda, à quibus nec delubra Cælestium, nec salutis officinas excipimus. Arborem diceres Indicam tam multiplici rerum copiâ affluentem, vt vna ex sese innumeris apta vsibus nauim instruat. Det illa truncum in latera, ramos commodet in remos, comam in vela, in rudentes, in malum assamenta, clauos præbeat, fundat oleum, ignibus & hominibus ministret alimenta. De patritio insigni gentis ROSEÆ quid primum enuntiem, quid postremum? in quo par emolumenti cum ornamento dignitas, ex æquo primas ambit, in secundis aut tertijs non consistit. Vna demum BVZENII ROSA est, quæ vnicè candida, non vnâ occultit energiam! quum ornat Cælites, funditur in succos, liquefcit in remedia, flectitur in vmbracula, excrescit in Trophæa, assurgit in colossos. O afflatum benigno sidere cæli

re cæli rorem! ô principem plantarum Rosam nec
sterilem hæctenus, nec effætam! Quoties te, MATHIA PSTROKONSKI, magnum Regni Cancellarium saluberrima quæq; suadentem (quando autem nõ suafisti?) Patrum Senatus audiuit; toties, iam non inani prouerbio ROSAS LOCVTVM intellexit. Quod si consilium in tempore, Pomi aurei in lance aureâ, venit nomine; quantò id aptiùs & æquiùs, è cõmuni sensu omnium, tuæ imputauero, Vir Consultissime, ROSÆ AVREÆ, quam tuis vigilijs & sudoribus eliquatam ægrè spiranti Patriæ porrexisti, citra acerbitem Veritatis. Cùm Tuæ congruum pietati existimares, cõmunem omnium parentem communibus iniciatam ærumnis confirmare, labantem tenere, motu ciuili conterritam animare, interq; defectionis intimæ deliquia languentem domesticis fulcire floribus, stipare, coronare; non aliundè quæsisit malo remedijs, quàm à Rosâ. Maluit ea Buzenio deberi Viridario, quàm Elysijs exterorum. Ex illo certè laborantis Reipublicæ stare nesciente statu, Pstrokonix plantationis vim percepimus: benè precati Rosinis & Rosenbergijs, de tam nobilis ROSARIJ incremento ad spectaculum amplissimo, ad vsum persalubri. Probè norũt Maiores tui quid dicam, immò quid velim, quorum Ciuilis eloquentia in Circulis & Congressibus Comitiorum educata, mox in solem & publicum educta Sarmaticæ amplitudinis & gloriæ Maiestatem gloriosè sustinuit. Et sustinuit quidem tantâ loci, tantâ personarum prouidentiâ, rerumq; dignitate, vt in summâ iudicij grauitate, celeritatem extemporalis ingenij mirareris. Lugebatur adhuc suo Coronatus nomine suisq; virtutibus Po-

Ioniae Mars Stephanus Batthoræus ; cùm atratam.
à morte Principis patriam grauior nebula inuoluit.
Fuère enim è primâ nobilitate, qui ægrum Reipubli-
cæ corpus euntibus in contraria votis discerperent.
Scissa Procerum studia, potentiâ & opibus in conten-
tionem adductis decertabant, vter duorum videretur
dignior, qui liberis imperaret ? vt iam tunc liquere
potuerit, quæsitum ad regna SIGISMUNDVM III.
non sorte casuq; sceptris admotum, sed (obstantibus
nequicquam factionibus) diuinitus electum. Per tot
ei votorum discrimina in Latium Honoris, per tot
Capitum vota in Capitolium Sarmaticæ Libertatis
euadendum erat. Cuius id esset animi, armatis inter-
cedere & iratis ? tumultuantibus immisceri, iamque
strictos propemodùm gladios vaginæ reddere ? Cuius
porrò auctoritatis foret, potentiorum Conuentus
conuenire ? studia partium sopire, consilia disturba-
re, iussis occurrere, machinationes præuertere vel
euertere ? Prudentiæ ? aditum in animos quærere,
scenæ & tempori solerter aptari ? Felicitatis denique ?
armatos exarmare, modò rebellantes ad deditionem
cogere, aliò spectantes aliò rapere, personam penè
aliam induere ! O humanâ maiorem virtutis confi-
dentiam ! ô mentem Numæ supparem ; quid ? suppa-
rem dixi ? superiorem dicere volui. Persuadendum
erat hominibus, res tot tantaq; exitu dispares, opi-
nione maiores, humani dexteritate ingenij confici
profligariq; potuisse. Iuisti contra, vnus omnium
gerens regensq; animos, quò haud scio an Orator
Pyrrhi Cyneas iret, aut ille tot palmarum legatus
Nestor. Solenne videlicet est magnis mentibus ob-
stinatiùs in ardua quæq; rapi. Euertissent hæc alium
tempora

tempora virtuti inimica; te acrius firmârunt, eò quòd
scires, non esse firmam arborem, in quam procella
non sæuiat. Disputent iam Eloquentiæ Magistri
num hoc sit demum in animam audientium (quin &
proteruè obnitentium) induere sese, vt eos naturâ suâ
exuas, vocatam in Consilia iram frangas, hostilia spi-
rantes tuæ præsentia reuerentiâ componas! Fulmen
hâc Rosâ citius, quàm lauri obiectu auertisset Tibe-
rius Cæsar. Quantum est, nudis ensibus impunè oc-
currisse? hos ad Opis, illos ad ædem Concordiæ Ora-
tione prouocasse? Hoc insuper admirabili peritiâ
agendiq; felicitate consecutus es, vt cum gratiæ causâ
nihil faceres, omnia tamen pergrata fuissent, quæ fe-
cisses. Nonné hâc meritorum conscientia erectus
Traianum æquares? non firmâ corporis proceritate,
inquam, aut festinantis insignibus senectutis, sed illâ
morum maiestate, illo Optimi cognomento, quod
cæteri ab arrogantia, tu à moribus accepisti. Et non
ires Tu obuiam Regum Optimo SIGISMUNDO?
Tu electæ maiestati non occurreres, Tu inquam, qui
spontè didicisti quidlibet ex dignitate Ciuili & Sena-
toriâ metiri atque conficere? Ad maiora gradum
non faceres? qui ex magnis genitus, ad maxima quæ-
que à puero, destinatus credebâris? Ad intima Prin-
cipum consilia arcanorum particeps non accederes?
quo nemo sanctius fidem obligauit suam, nemo obli-
gatam exsoluit religiosius, nemo plenius liberauit.
An tecum Romanæ Legationis momenta non par-
tiretur BERNARDVS MACIEIOVIVS, cui fera-
cem consilij Tacitum spirare videbaris? Quidni breuî
impleres infulas, qui omnes virtutum numeros iam
dudum impleuisses? Non te Sapientiæ Consultum
E inferres

inferres in Senatum? ad quem integrè omnia Referē-
darius retulisses? audiresque iam pater patriæ, ante-
quam Patrum Concilijs immigrasses. Cur deniq; te
intra modestiæ tuæ latebras teneres? pro quo diu
multùmq; acerrimis Antistitum studijs certatum est,
ad quam potissimùm cathedram magnus arbiter eua-
deres? Quàm longa illis de tuis virtutibus pugna fuit?
donec princeps Karnkouij authoritas vinceret, Te ad
deditionem inclinato. Crediderim adiectum tuo ti-
bi à populari Adalberto calculum, ne extra Gnesnam
honoris auspicia ordireris, vbi & ipse partem aliquam
deposuisset fortunæ, & laboris à te iure posteritatis
colligendi. Ergo Tu in Curiam quidem socialem
Canonicæ amplitudinis, sed eo vultu, sed eâ venera-
tione concessisti, vt si præsentem ADALBERTVM
cerneres, hortantem exaudires. Regustabas iucun-
dā, quia Roseam, Diui memoriam, peculiare id gen-
tilitiā habentis cum Rosā, vt à vitali trunco recisa ta-
men viuat. Gestiebas nosse, quæ recta sacer ille &
diuinus incoluerit habitator? quæ delubra intraue-
rit, quam in delubris aram grandioribus hostijs AR-
CHI-PRÆSVL honorauerit? quod Conclauē lan-
guores illius viderit? lacrymas hauserit? quæ deniq;
solum saxa exceperint? hæc tunc tibi cupido tui
vtiq; sanguinis vestigia monstrabantur. Quàm dein-
de læta tibi gestorum illius recordatio? cū tu eum
manantibus primū oculis, ita vt nepotem decuit,
mox thure & solennioribus animi victimis decorasti;
vbi simul cognatis in Cineribus, & plenis victore spi-
ritu exuuijs, non ex integro absentem animam, haud
superstitiosè quæsiisti, Tuam hīc etiam (vt eras digni-
tatum parcissimus æstimator) positurus, nisi te am-
pioribus

prioribus initiandum curis, Præmislia à Diui Tui
Mausolæo abstractum ad fasces Pontificios euocaf-
set. Nec aspernari poteras Principis de te iudicia, nec
suffragijs Procerum obniti. Famæ alioqui publicæ
succensere, tuisq; subirasci virtutibus necesse esset,
quod in Tuam quî caderet mansuetudinem? At nec
alia conscientiæ tuæ (cui semper obsecutus es) vox
fuit, quàm vt integrum tibi non esset, priuatam tene-
re virtutem, æquè patientem magnæ lucis & capa-
cem. O expeditum per merita ad honores iter! à qui-
bus ambiri longè gloriosius putauisti, quàm ambi-
re, quia *nil nimio cupisse voto*, magnis edictum menti-
bus à Lyrico didicisti. Ecce autem quod nuper
amplissimis Præsulibus tui gratiâ imperasti certa-
men, idem feliciter non arroganter, ex voto omnium
redordiris; vt non præsides duntaxat locorum, lu-
crandi tui studio accenderes: verùm alias ex alijs ca-
thedras in tui quâ admirationem quâ amorem pelli-
ceres. Simul enim ac te vidit, inuidit Premisliæ Vla-
dislauia, gratulata ouilibus ouibusque Pastorem, cui
suorum fortunas & salutem suâ cariorem esse intelli-
geret. Igitur cùm Pontificiæ fidei testis annulus, re-
gni annulo auctus, & dignitas dignitate satis dotata
videri iam poterat; ciuili turbine subsidente, pacatis
Ordinibus, partium securitate constitutâ, cùm neces-
se non haberes, Te ingenti honoris prouinciâ spolia-
sti. Eâdem quâ acceperas fide, maioribus comitijs
in sinu, in oculis Reipublicæ deposuisti sigillum, quo
felicius magnum pace & bello P S T R O K O N I V M,
quàm Rosam P S T R O K O N I I exprimebas. Patuitq;
tunc, Mathiam Cancellarij M. potentiâ contra vim
potentiorum, infestam paci & legibus, eò vsq; vsum

esse, dum tranquilla regno facies redderetur. Vt quiam Henricum & Otthonem Tuis in Maioribus numerasses, etiam Caroli V. aliquid exprimeres, magnâ terrarum parte vltro sese abdicantis. An vt impetratâ ab honoribus missione cum Lælio & Catone Senatoriam componeres senectutem, cumq; ingentes semper actus in theatro gloriæ sât spectatus, apud Principes dedisses, accuratiùs elaborares in Supremo, alibi Regibus, hîc DEO spectatore, non sine plausibus vtrobiq;e! Quid ego putem tua Chirographa, & syngraphas? quàm æterna Rosæ folia, ne sic quidem inutilia, quia Dodonæo cortici præhabenda. Leguntur hodièq;e, & placent mirificè tuæ mentis placita, quæ ipsos mundi monitores Philosophos erudissent. At enim, vnde hæc mihi audacia, maiore animo quàm facultate, ea carptim legendi, quæ limatissima Stanislai Lubienscij Suada, vberiore calamo, vt æternitati porrigeret, iam collegit? tunc

Sar-
bieu.

----- Cum tulit aureos

Ad astra mores; atq; auaro

Egregij monitus Pstrokonio

Inuidit Orco.

Vtinam ego hæc tam fideliter referam, quàm tu in fastos publicæ memoriæ retulisti! Sed quid attinet singularem esse in MATHIÆ laudibus, quando singulæ dici nequeunt, nec taceri omnes? præsertim vbi eò meritis processum sit, quò Oratorum studia non accedent. Quantum suo Philippus Granuellano, tantum Mathiæ Pstrokonio attribuit Sigismundus. Nisi quòd ille, etsi citra tormentum assentationis quadraginta circiter annos incorruptâ fide arcem obtinuerit principalis aulæ, tamen continuis deuota odijs
victima,

victima, haberet aliquos, quorum animos nec morte
 fatiasset. At noster hinc


Laudibus invidiaq̃ maior

B

Securus hac parte gratiæ, momo etiam, quod in se de-
prehensum reprehenderet nihil reliquit. Ad Te iam,
Illustrissime Domine, velut ex longâ peregrinatione
redeo. Susceperam videlicet iter ad sepulchra Tuor-
um, nec sanè pœnitendo fructu. Virtuti namq; li-
tandum esse non ambitioni, tuis à Maioribus didici.
Intelligerent hoc vtinam ridiculi flamines, qui per
omnia supersticiosi in Atheniensium ritus & morem
transierunt. Tam illis ignotum virtutis numen est,
quàm exploratum fortunæ. An tu, Præsul, sanctissi-
mis innutrite cærimonijs, profana fortis fana adires?
eius accederes & accenderes tripodem, quæ cum nus-
quam stabilem figat pedem, vt sedibus ita nec certis
religionibus continetur? Aram ubiq; suam vel in-
uenit, vel molitur; translatitia circumfert sacra, ex-
temporanea supplicantium vota audit, ne congeni-
tæ mobilitatis non retinens appareat, si vt numen
stabile colatur. Nec video cur placanda tibi sit erra-
tica hæc dea, à quâ tantundem periculi placatâ ac ira-
tâ expectandum. præsertim quòd eam tu nec laces-
siueris aspernando, nec euocaueris ambiendo. Benè
quippe & sapienter tuos inter proavos ADALBER-
TVS prouidit; dum, ne quid fati deberes, DEVM ti-
bi constituit debitorem: apud quem sua locauit pro-
merita, censu ad nepotem quotannis redituro. Quan-
quam & tu cupidus Honesti fœnerator, in lucra ani-
mi intentior quàm Honoris, eo ad Rempublicam
consilio Senator accessisti, quò à magnis Tuorum
nominibus non recederes. Quod si diuinitùs omnem
F destinari

destinari necesse est potestatem, dubitare haud potes,
Te in Pontificiæ dignitatis accessu, primo quasi re-
ditu auctum esse, maiora superis & meritis pollicen-
tibus. Interim ne tardioris cæli fidem desideres, de-
latam ad te sacræ familiæ tutelam vel exoratus ad-
mitte. Antiquo illi dierum D E O antiquius nihil
visum, quàm vt Te antiquissimo omnium Ordini
præficeret, qui clientibus dux & pater anteires. Et
pertinebat hoc ad cumulum Religiosæ felicitatis,
vt Religiosi nonnisi Religiosissimum fortirentur.
Minus iam sentiunt suam solitudinem, postquam
Tu eam frequentissimo virtutum comitatu cele-
briorem reddidisti. Nullam reputant orbitatem Te
Præside, Te Parente, qui in officia & auspicia B E-
N E D I C T I successeris. Maluit Buzenia Pstroko-
niorum ROSA, sacras B E N E D I C T I aras ornare,
quàm Fortunæ; cuius appensa latè donaria curio-
sius lustranti mihi permirum accidit, quòd inter vo-
tiui thuris & florum suaueolentes cumulos, nusquam
conspexerim Rosam albam! Adeò nec floridi Stem-
matis gratiâ superbam heram dignatus es! Quid
enim pudici candoris Hieroglyphico cum insolentiâ
impudenti? Flectat cultui suo lauros bellicas,
decerpat pacis oleas, postes hederis, altaria verbenis
prætexit; etiam detracto Regibus diademate se co-
ronet; modò Rosas P S T R O K O N I I non attingat.
Maioribus illæ numinibus seruantur in Coronam.
Numen ei quoddam M A R I A est, cui ornandæ
ita se impenderat, vt quanta quanta esset in sertum
cederet Marianum. Iamq; illa floridæ fæcunditatis
Parens-Virgo præ Buzenia plantatione Rosas non
desiderat Ierichuntinas. Plena P S T R O K O N I O R V M
Rosa

Rosa quidni esset in amoribus plenitudini Gratia-
rum? Nulla Diuinæ Parenti Rosaria dedere plus
Rosarum. Vnus instar omnium ADALBERTVS,
vt fabulam Adonidis refutaret, in suâ Rosâ MA-
RIÆ amores colorauit: pro illa cupidinum sæua
Matre fortitus dilectionis pulchræ Matrem, cuius
vim instillauit Sarmatico Marti, ne pugnaturus mo-
re Lacedæmonico, Amori alieno sacra faceret; aut
quod Tullo euenisse constat, fractâ acie, templa Pal-
lori ne voueret. Nam de MATHIA PSTROKO-
NIO publica loquuntur monumenta, eum inter An-
gelicæ Salutationis elogia, (quò viuacior spiraret ca-
ritas) exspirasse. Si tamen exspirasse dicendus est,
cuius tu cadentem calentemque spiritum excepisti.
Vtere hereditariâ hâc vel Tuâ vel Tuorum pietate,
Illustrissime Domine; vt quorum facta felici con-
tentione imitêre, imitandus & ipse, eorum nomini-
bus tuum addas. Quo autem bono accidit, vt in
PSTROKONIÆ amœnitatis viridario ingrediar
Labyrinthum? Nam & sæpè in gradum Orationis
memet refero, & iam exploratam accessu recessuq;
oculorum, iterum Rosæ nobilis exploro venusta-
tem! A basilico naturæ ostento quis facilè se auelli
sinat? Auellor tamen; mihiq; vltro his Charitum
delicijs interdico; non quòd finitimam verear fatie-
tatem suauitati; sed ne amœnioribus ingenijs flo-
ridum argumentum præripiam. Succedat
libera Pœsis, & libatam hætenus parcè
Rosam, liberaliùs regustet in Elogio
hospitali.



ELOGIUM I.

Origo Stemmatum, eiusq. Auctores.

ROSAM PSTROKONIORVM

A stirpe si inspexeris, Romana est.

Romæ nasci prima illi gloria, sed non sola.

Patriam Italiæ, coloniam Bohemiæ, Poloniæ regnum debet.

Auctor huius
Stem. Rosinus.
patriâ Rom.

Florum Domina

Communem cum terrarum dominis tenuit dominatum.

Sed exactis Romæ Regibus, locus Reginae quæ esset?

Nomen Regium nec in flore ferri potuit.

Igitur cum Rosino Thuscis finibus ultro celsit:

Ne Caligulam aut Neronem coronare cogeretur;

Detestata magis, quàm verita falcem Tarquinij

Perinde papauerum colla ac Ciuium demetentis.

Peregrinantem ex Latio

Bohemus accepit hospitem, ut eiiceret;

Rosenbergius adsciuit ut affinem,

Poraius ut gentilitiam coluit,

Lechus ut indigenam adoptauit,

Honorariam reddidit Boleslaus Chabri,

Gratulatus regno Rosas & delectare natas pariter & prodesse.

Accessit ad Coronam de suo coronata,

Quò suam nulli deberet electionem ad honores.

Spinis vacua est, quia & curis

Quarum omnes ad rem publicam transtulit à priuatâ.

Admirabilis! quòd in agro sanguinis educata sanguinem non gustasset.

Idcirco horrentibus aculeis non armata,

Quia optimum est munimentum munimento non egere.

Plin.
Traian.

Ita liuor prosperis inimicus

Præter vepres & tribulos in Rosâ ROSINI nil arrosit.

Hoc vno fortasse infelix Rosenbergius

Quòd spectarit Rosæ excidium in Fratribus ADALBERTI.

Se

Sed fatale est PORAVIORVM Rosæ,
 Et si sanguine perpluat, candorem ne amittat;
 Quem ideo colori purpureo prælegit,
 Vt tantum distaret à fūco quantum abesset à pigmentis.
 Genas candidam si videas, mirum non est:
 Cur hætenus erubesceret nil inuenit;
 Nec illi patria, nec illa patriæ probro fuit.
 Solis duntaxat hostibus malè olet
 Immò ne his quidem, propter Rosarum priuilegium.
 Nihil olere vt benè oleas
 Hominum laus est, non Rosarum:
 Quæ sine odore sunt, in Coronam non adduntur.
 Et hæc pleni floris plena forma
 In contentionem gloriæ prouocat Salomonem.
 Sed nimium emunctæ naris. Hæresi non placet,
 Eò quòd Christiana inuolantes in Rosaria
 Ad Augiæ stabulum expulerit scarabæos.

Cic. ad Att.
 L. 2. 16.

Plin.

ELOGIVM II.

Alluditur ad familiæ antiquitatem & antiquissimæ Abbatissæ Tynecensis administrationem.

In Gratiam Illustrissimi CHELMENSIS EPISCOPI.

SI vix de spinis non leguntur, at leguntur Rosæ:
 Eia, Commilitones BENEDICTI,
 Rosam sine spinis paternas quærite inter spinas.
 Fecundus virtutis cruor est. Rosam elicit, sed candentem.
 Longa ætas illi hos induxit canos.
 Vt simul induceret reuerentiam.
 Debuit multis antè seculis canuisse
 Ne antiquissimo Viridario nouitia accederet Administra
 Cùm fuisset Cœua.

Et Ordo
 S. Bened.
 & familia
 Rosin. per-
 antiqua.

Adeo BVZENIORVM ROSA

Ætates viuit integras non Ætates.

G

In Roma-

In Romani Cæli & Soli Herede
Romanæ senium fidei quid requiras?
Quippè in tota generis antiquitate
Nihil ei antiquius canâ fide.
Vaticanas genita inter lauros mori nescit.
A tot annis immisâ manu vellitur non euellitur;
Quia totum ei robur in plantâ est.
Breue Rosarum ver quis iam dicat?
Florem gratiæ distinguunt decade sæculorum.
Hoc nimirum est suæ posteritati interesse.

Roma Græcis
robur sonat.

Quanquam

Quis flores ab antiquitate commendârit?
Tota illis nobilitas penes gloriam nouitatis.
Venustatem præhabent vetustati.

Et quia semel omnes elegantiae arculas consumpsere
Sui amorem non conciliant, aut impetrant; sed extorquent.
Suis id quisque negabit oculis quod Rosæ non attribuet.

Violentum nempè est imperium Pulchritudinis.

Armata vel inermi Rosæ inest Eloquentia

Suadere solita ab utili & iucundo.

Vnicum hoc illi artificium, se suaque ne celet,

Non plus in flore pollicita quam in fructu.

Felicior Caroli V. lilio, non antè euoluto

Quàm Dominus integumento sese corporis euoluisset.

Odi flores, qui diu calyce aut folliculo spem concludunt

Quantò seriùs tantò ingratiùs erupturam.

Auferri, & differri beneficium, propè absunt.

Fruticem hunc (etsi creuerit in aprico)

Tenerum aut fragilem, caue, dixeris.

Durescit in clauam Herculis, in sacros curuatur Scipiones.

Rosæ Melitensi virtute ne cederet

Cessit Bellonæ in fertum, & Marti in corollam.

Delicatum Rosis ingenium qui putem?

Ferunt solem & hyemes, sed Capuæ non hybernant.

Pestilens illic aura laurum afflauit triumphalem.

Mallet Annibal cæpas Ascalonias quàm Rosam offecisse Campanam;

Serò

Serò sentiens: militi allium, ^d fabas iudicibus conuenire; d. ne obdor-
miserent.
Suid.
Has vigilantia irritamentum, illud virtutis com meatum.

Non sola Gallorum Lilia bellis apta.

Et Rosinorum Rosæ texendis ciuicis haud inutiles:

Quæ non ita rarò mortem viderant vt Martem exhorrescerent.

ELOGIVM III.

Gentis Rosæ infulatis luminibus,

S. A D A L B E R T O

ARCHIEPISCOPO GNESNENSI M.

E T

VINCENTIO KADŁVBKONI,

Qui abdicato Episcopatu Cracouiensi, Andreoniæ in
Monasterio Cisterciën. sese abdidit.

DIVVS ADALBERTVS ARCHIEPISCOPVS M.
Purpurati exercitûs Candidatus Rosam Candidam

Eodem quo stolam sanguine dealbauit.

In Prussia Tyrum inuenit purpurariam.

Quæ candentis Rosæ bysso induceret purpurissum;

Sed inassueta fuco Rosa

Post tincturam virtutis alium colorem agrè bibit.

Strada.

Præmisit cælo quinque germana germina suæ Rosæ,

Ne sola inter Lilia pasceret Agnus.

O te alterum, P O R A V I, Aneam

Qui de Bohemico incendio patriam extuleris Rosinorum,

Casuram, nisi in te recumberet inclinata!

Nihil at enim profecit Bohemorum sauitia:

Exusta ^f Rosarum domus, à flammis illustrior, se intendit.

E ruderibus & sauillâ surgit generosius post ruinam.

f. Lubiez, pa-
tria Roseorū
exusta à Bo-
hemis.

Et hîc Rosarum Rubus arsit incombustus,

Vt sacrum Matri-Virgini intelligeres.

Lilium inter spinas Rosam diligit sine spinis

Beneficio Rosæ Mysticæ, domesticam seruauit Adalbertus.

Optimè meritis de castris Polonorum
Quorum bellicam aciem sepsit castrorum acie ordinatâ:
Martis classico iunxit Canticum Magnæ Marris,
Vt hostis caderet ad numeros M A R I A N O S,
Ac ne laurus quidem absq; Deipara pareretur.

Peana mili-
tibus compo-
suit.

Mos Lacæde-
moniorum.

At enim inhospitalis Borussia

Rosam crudeles fugientem terras
Pro lance excepit lanceis,
Vt salutatem traheret vim à ferro.

Sen, Omnis
in ferro salus
Here, furen.

Defossam tot sarculis Rosæ surculum credite, non confossam.

Ne licentiùs manu barbarâ carperetur
Septo sese ferro communiuit.

Neque temerè totidem telis Martyr figitur
Quot gladijs transfixa est Martyrum primipila.

Quin & inermis VINCENTII KADŁVBKONIS Rosa
Contra fortunam historico se armauit stylo.

Nixum fide & calamo liuor & obliuio non euertet.

Pontificiâ in seipsum potestate vsus
A consortio & communione sæculi se remouit:
Quòd meminisset spretam à se Honorum maiestatem,
Latâ sententiâ monasticum se damnauit ad exilium.

Reus Vnicæ in Deum & homines Caritatis
In perpetuum sibi templo Honoris interdixit.

Mirata est Craci cathedra Abdicantem Rosam!

Daturam sui Mysteria in Monasterio:

Vbi quòd suauius fragraret, inhæsit BONÆ-NARDO.

S. Bernardi
studiosissim⁹.

Rara gradatio ab infulis ad Cucullum!



E L O.

ELOGIVM IV.
ALBERTO MECZYNSKI
GENTE ROSEO,
E SOC: IESV.

Fragrantissimum Naturæ delictum Rosa,
Omnibus exercita Elementis, vt per omnia proficeret ad Coronam.
Igne in Bohemiâ, tellure in Daciâ; aquis, aëre, ferro, Nangazachi.

Nangazachi in
Iaponia violē-
to aquarū sup-
plicio discrui-
ciatus.

Quid baccharis lymphata Iaponum temulentia?
Virtutem aquæ haustibus non efficies temulentam.

Vota ingeris MENCINIO non supplicia:
Alimenta Rosæ admoues in tormentis,
Alitur dum alluitur stirps Rosarum.

Frustra obruendæ charitati adhibita vis aquarum,
Dudum & ille hoc baptismo habuit baptisari:
Hinc fatum commune dedignans quæsiit exquisitum:

Per tot insulas venalem cælo animam circumtulit
Mortis institor pretiosæ,

Quam carò admodum licitatus est in Iaponia,
Vbi nec gelidam gratis biberit,
Quia purpureæ animæ pretio comparatam.

Thren. 5.
Aquâ no-
stram &c.

Et noster libatis mortibus profecit Mitridates.

Non solum tonitruis, sed & Aquilæ filij bibunt calicem ærumnarum.
Emersit Iaponici maris mergus in Floridam Bonæ spei,
Docuitq; per frigidam ad vitæ refrigeria enatandum.

Potestis
bibere. ca-
licem &c.

Atrox vndarum diluuium vsque ad animam exundantium!
Sed ramus oliuæ, nisi exhausto diluuiio, non affertur.

En Iaponiæ humanitatem inhumanam!

Inter Sacra Amoris febricitanti MENCINIO
Lymphas præbuit, vt vitam exstingueret.

Nouo aquarum tormento, nouum exercuit Tantalum,
Vnde ardoris impatientiâ aquam sitiret inter aquas.

Omnis illi spirandi copia adempta est,
 Quò collectum in se ex diuturno spiritum
 Ponderatori spirituum redhibeat plenâ fide.
 Tot dierum spatio torquetur, lauream ex arduo pariturus.
 Vitam inter & mortem positus carpitur ab utrâq;
 Lenta crudelitas fit violentior violentâ.
 Moritur quotidie, vt supplicijs reuiuiscat.
 Non facilè exhalant Rosæ animam:
 Immortalis earum prærogatiua est,
 Vt quantumlibet exspirauerint, tamen spirent.
 Credo quòd per ignem & aquam transiens vir dolorum
 Vtroq; rosas (vt durarent) acuerit Elemento.
 Sic nauigaturo ad Superos ALBERTO MENCINIO
 & ADALBERTVS remum Prussicum, Iaponia flumen dedit.

g. ex ead.
 linea Ro-
 seorum,

ELOGIUM V.
 MATHIÆ PSTROKONSKI,
 Olim Vladislauieñ. Episcopo, Regni Cancel-
 lario, Patruo Illustrissimi Chelmenfis.

MATHIAS PSTROKONSKI
 Fatale nomen sortibus & Fortunæ.

Duplici impetitus fato, trophæum statuit de utroque.

Festinatâ ancillarum temeritate exanimatus,
 Prouidentiâ ANCILLÆ DOMINI animatur:

Ope Deip.
 reuiuiscit.

Simul vitæ simul mortis filius.

Matrem viuentium expertus in MARIA est:
 Exinde bis genitus geminis Matribus lucem debet.

Felicioris infantix argumentum est,
 MARIÆ gratiam occupasse in cunis.

Frustra, iniectis præfocatur fasciis, olim fascibus prærogatus.

Ligandi Pastor & obligandi munere perfuncturus
 Mature fascem ad se pertrahit linteorum.

Ita

Ita Roseus ille Infans

Dehiscente primùm suâ Rosâ, ipse hiscere iam defierat!
Præcox Proserpina Rosam damnauerat ad Cupressum.

Sed fasciatus Rosinorum Hercules
Immissum lethi fascinum vagitu excantauit,
Fata antequam nosse poterat, vinctus vicit:
Terribilium terribilissimum terruit vixdum natus,
Ne qua immunis miraculi ætas foret.

Quin & altera quadriennem fors cecidit in MATHIAM:

Cyro æqualibus colludenti mors seria interuenit;
Quam dilapsis meta socijs ludo elusit insolenti.

Puerorum imprudentiâ in aquas protruditur:

Vt fatum aquis iugulantibus iugularet:
E Vartæ littore flos euersus Rosam verterat in Narcissum,
Non suo deceptum errore, sed alienâ decerptum insolentiâ,
Flagellatus tamen fluctibus, culpam ætatis vndâ diluit.

In flumen
prolabitur.

Parcæ parcere nescientes innocentiae pepercerunt.

Fas non erat veris initio Rosam præcerpi immaturam.

Præfagum futuri diceres Vartæ fluuium,
Qui erupturam in lumen Curiae scintillam non extinxerit,
Gratiarum depositum in Vase vitreo asseruârit.

In ipso gurgitis profundo stans conspicitur,
Vt quot cubitis aquæ verticem superarent
Tot suam ad staturam adijceret.

En iactæ in Mathiam sortes manu Dominæ temperantur!
Præter spem emerfit Spes ab alto, mox aliùs euasura.

Sensit Maris Dominam Maris filius.

Fluuij dicuntur
maris filij.

Repetundarum arcessendus, nisi Rosam auream reddidisset.

Abstinentior Antonio gemmam Poloniae non absorpsit.

Fons signatus bullam pueritiæ consignauit in fonte.

Bulla insigne
puerorum.

Cancellaria VERBI Virgo venturo subscripsit Cancellario,
Qui ob virtutum admiranda factus Principum Thaumaturgus

Edidit ignotum aulis prodigium in Senatu:

Cum posset Regni annulum tractare, detrectauit!

Maiores Sigilli honore cum se vltro exuisset
Obsignatam Reipublicæ fidem nunquam exiit.

Abdicat se
Cancellarij
munere.

Tandem sat spectatus sat probatus
Vitæ actor laudatissimæ, Panegyrico immoritur Mariano.

In saluta-
tione An-
gelicamori-
tur.

Nemini Roseorum iucundior obuenit Mors
Quam huic in Rosario Deiparæ expiranti,

ELOGIVM VI.

ILLVSTRISS: & REVERENDISS: DÑO.

D. STANISLAO

De Buzeńin

PSTROKONSKI,

EPISCOPO CHELMENSI,

Administratori Abbat. Tynecen.

STANISLAVS PSTROKONSKI

Et nomine & potestate geminus Tutelari,
Iste Petrum, ille Patrum reuocauit ad vitam.

Prænobilis magia est

Maiores moribus euocare de busto.

Manes & imagines Auorum animare in laudem

STANISLAI EST

LAUDEM voto & titulo profitentis:

Nisi quod ROSEORVM nemo sic obdormijt
Vt nequeat à Posthumis excitari.

Rosæ sapor idoneæ non sopori.

In Lethes obliuia non liquantur.

c, Fons O-
bliuionis.

Nulla earum à morte ira extabuit
Vt præmortua exsoleuerit in Senatu.

Abdicauit

Abdicauit se insignibus **MATHIAS PSTROKONSKI**,
Vt iam tum addiceret **STANISLAVM**:

Cessit sacro subsellio Patruus Nepoti successuro.

Euoluta est Honori publico **LATENS ROSA**,
Vt se ad statum staturamq; **ADALBERTI** reduceret.

An vt Roseus hic foliorum fasciculus
FASCI IAGELLONIO proprius adhæresceret?

An vt collectum in se ex diuturno nitorem
Regalis Ostri purpurâ, dum tingeret, temperaret?

Plantarum prima Princeps

Visquam dignius quam in Regiâ cerneretur?

Rosa florum Antistita

Iterum in **STANISLAO PSTROKONIO** consecratur.

Coelitus effuso IESV NOMINE perfusa semel

Oleum & propitiationem seruat semper:

Oleum ef-
fusum &c.

Nata æquè vngendis **CHRISTO** Athleticis,
ac Hæresi expungendæ.

Pictius.

Adeo Honori est pariter & horrori?

Quod si & condendo ex se vino Rosæ utiles,

Plin.

Erit quo Ierichuntinus curetur infirmus

Vt vt Rosæ defuerint Ierichuntis.

BVZENII fatûs Rosa

Nullis in se acuminibus locum fecit,


Ne congenitam sibi gratiam fauciaret.

Grande testimonium **INNOCENTIS** Plantæ:

Degere inter fontes, & sentibus non armari!

Talis Rosa decuit **VIRIDARIUM BENEDICTI**

Quam diuinum non asperaret maledictum.



SALVTATIO

EIDEM REVERENDISSIMO

Dicta, Dicataque.



*Q*uod Tuæ adspirant & inspirant Rosæ, nos eloquimur, Illustrissime Antistes; sapiat, cui lubet, è Sibyllæ folijs, nos de Rosa perhumaniter inclinatâ colligimus: Te ipso Humanitatis descensu hodie supra homines ascendisse. Vnum tu quidem Te ex nobis, & hoc magis cum Traiano emines & excellis, quia vnum putas; at eximia hæc moderatio summè te eximit Collegio Minorum: commune id habentem cum Deo, vt ne oculos magnæ luci inassuetos conuulneres, vibrantem Rosæ radium vel dissimules, vel restinguas. Augustus ille cæteroqui Princeps, angustiores inde reddidit maiestatem, vnde superbè credidit oculo suo diuinitatem insidere. gauisus insolenter, ubi quispiam sibi acrius contuenti, quasi ad fulgorem solis vultum submitteret. Tu citra ambitum diuinior salutantium vota & ora ad pedes non retrudis, hoc altior hominibus quò humanior. Debueras Gostomiana hæc umbracula propius lustrando illustrare, Senator Illustrissime. Tuo utiq; plantario intulisti solem ROSEVM, à nobis citra superstitionem hospitaliter adorandum, non mensam illi Æthiopicam prætensuris, sed palatinam Fundatoris Fasciam. Nam CORONATAM aliundè ROSAM frustra velimus coronare; aut precari ver æternum, cui excolendæ amænitas cum perennitate se impendit. Quidni porro impenderet? quando in fortunæ & sanguinis censu inter Maiores Tuos Maximum numeras ADALBERTVM, Præsul Archipræsulem, Nepos Auum. Ille te gentilitiæ concolorem ROSÆ Aris admouit, cum sciret patricijs florum Rosæ mensas Cælitum & altaria exornari. Legimus in PSTROKONIANA Rosa virtutis colorem, hoc est natium aperti candoris emblemata.


emblemata. Reueremur in flore gratiam, quàm spectatior Narcisso Re-
ges quoque in sui pepulit amorem! Et verò aptius alibi plantarum re-
gina quam in Regum penetralibus moraretur? Suspiciamus denique
semper integra, semper plena Rosæ folia, quia inscripta NAZARE-
NI nomine: Inscripta ALBERTI MENCINII sanguine,
que communem suo & Tuo Stemmatis induxit purpuram, in cruento
Nangazachi campo. Fuerit sanè alibi fatale, Rosas vernare in
autumno, hic felicitatis omen esto. Saluberrima Buzeniorum RO-
SA clades & funera non portendit. Quod mundi oculus uniuerso,
hoc Sandomirianæ Atticæ Tua Rosa: cuius beneficà vi non perinde
utemur ac cæteris floribus, tam diu gratis quàm diu recentibus. Erit
hoc interim Pontificiæ potestatis Tuæ, ut alieno maximè tempore
ROSA PSTROKONII florescente, iteratò veris tem-
pore ordiamur; immò alteram Sandomiriæ nacti Rho-
dum, non iam in fundamentis rosam ut Rhodij,
sed in coronide habeamus.

ἡ δὲ
 Gracis
 Rosa.



Superiorum permissu.

BIBLIOTH. UNIV.

A circular stamp with a crown at the top and the word "JAGELLONICA" written around the bottom edge. The center of the stamp contains a coat of arms.

Subserotum beryllii.

